

ԳԱՐԵԳԻՆ Ա ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՊԱՇՏՈՆԱԿԱՆ ԱՅՅԶԸ ՆՈՐՎԵԳԻԱ

Օւոյոյի ժողովրդական Թանգարանի տնօրինության, Նորվեգիայի Եկեղեցու և Ս. Գրոց Ընկերության միասնական հրավերով, հոկտեմբերի 9-ին Օսլո ժամանեց Նորին Սրբություն Գարեգին Ա Ամենայն Հայոց Կաթողիկոսը: Նորին Սրբությանն ուղեկցում էին Ավստրիայի և Սկանդինավյան երկրների Հայոց թեմի Սոաքնորդ Մեսրոպ Արք. Գրիգորյանը և գավապանակիր Կարապետ Արք. Հարությունյանը:

ՀԱՆԴԻՊՈՒՄ ՆՈՐՎԵԳԻԱՅԻ ԼՈՒԹԵՐԱԿԱՆ ԵԿԵՂԵՑՈՒ ՊԵՏԻ ԵՎ ԵՊԻՍԿՈՊՈՍԱՑ ԴԱՍԻ ՀԵՏ

Հոկտեմբերի 10-ին, առավոտյան ժամը 9-ին, Վեհափառ Հայրապետը իր առաջին հանդիպումը ունեցավ Նորվեգիայի Լութերական Եկեղեցու Պետ Անդրեաս Աարֆլոտ Եպիսկոպոսի հետ, որին ներկա էին Նորվեգիայի տասնմեկ թեմակալ առաջնորդները: Առավոտյան ժամերգությունից հետո Աարֆլոտ Եպիսկոպոսը քերմորեն ողջունեց Վեհափառ Հայրապետին, որից հետո ներկաներին եղբայական սիրո խոսք ուղղեց Նորին Սրբություն Գարեգին Ա Ամենայն Հայոց Կաթողիկոսը: Վեհափառ Հայրապետը խոսեց Հայ Եկեղեցու, Մայր Հայաստանի և հայ ժողովրդի ներկա իրավիճակի մասին: Խոսքի ավարտին Նորին Սրբությունը Աարֆլոտ Եպիսկոպոսին նվիրեց ականակուռ լանջախաչ և իր հեղինակած գրքերից:

ՖՐԻՏՅՈՑ ՆԱՆՍԵՆԻՆ ՆՎԻՐՎԱԾ ՑՈՒՑԱՀԱՆԴԵՍԻ ԲԱՅՈՒՄԸ ՕՍԼՈՅԻ ԺՈՂՈՎՐԴԱԿԱՆ ԹԱՆԳԱՐԱՆՈՒՄ

Հոկտեմբերի 10-ին, ժամը 12-ին, տեղի ունեցավ Ֆրիտյոֆ Նանսենի ծննդյան 195-ամյակին նվիրված ցուցահանդեսի բացման հանդիսավոր արարողությունը: Թանգարանի Հանձնախմբի ատենապետ Պիտեր Բոստենյոն ողջունեց Վեհափառ Հայրապետի գալուստը և շնորհակալություն հայտնեց հրավերն ընդունելու համար: Ողջույնի խոսքով հանդես եկան «Սաթ Սելփիլընթ»

կապմակերպության ատենապետ Պեր Թրոն, Ֆրիտյոֆ Նանսենի անվան ինստիտուտի ատենապետ Յոհան Հորթեն: Հատուկ խոսքով հանդես եկավ Նորվեգիայի Մշակույթի Նախարար Ասե Կլեյանդը: Ելույթից հետո Տիկ. Կլեյանդը Վեհափառ Հայրապետին հրավիրեց իր պատգամը տալու ներկաներին: Ընտրհակալություն հայտնելով հրավերի համար, Նորին Սրբությունն ասաց. «Ես չէի կարող չընդառաջել ձեր հրավերին և այսօր ներկա չլինել այստեղ և ողջ Հայ Եկեղեցու երախտագիտության կենդանի արտահայտությունը չհաղորդել իմ ներկայությամբ և մասնակցությամբ: Ֆրիտյոֆ Նանսենը ձեզ համար եղել է մեծ գիտնական, քննախույզ ուսիվիրա, կենդանաբան, օվկիանոսագետ, ալգային գործիչ, գրող, արվեստաբան, իսկ ձեզ՝ հայերիս համար նա եղել է արդարության քարույիչը և պաշտպանը: Հապարավոր գաղթական հայերի համար Նանսենը եղել է հույսի աղբյուր և փրկության ապավեն, Ալգերի Լիգայի մեջ հայության դատի ջատագովը, Նանսենյան Անձնագրի հեղինակ, Հայաստանի մեծ բարեկամ: Մենք չենք կարող մոռանալ, որ մեր արդի պատմության մեջ նա եղել է հապարավոր հայերի քաղաքացիական ինքնուրույնությունն տվող անձնավորություն, երբ այդ հայերը բռնությամբ պրկվել էին իրենց քաղաքացիական հայրենի իրավունքից և չէին կարողացել ունենալ ուրիշ քաղաքացիություն օտար աշխարհների մեջ: Նանսենը, ինչպես դանիացի Մարիա Յակոբսոնը, Զարեն Եփիեն, գերմանացի Յոհաննես Լեփսիուսը, ամերիկացի Վուդրո Վիլսոնը, ֆրանսիացի Կլեմանսոն, անգլիացի Գլադսթոնը, ավստրիացի Ֆրանց Վերֆելը և նման ուրիշ անձեր, այլևս մաս են կազմում Հայաստանի ժողովրդի և նրա պատմության: Նրանք այժմ ճանապարհացույց ուղենիշներ են, փարոսներ, որոնք կյանքի ուղղությունն են ցույց տալիս:

Ես այսօր գալիս եմ ոչ այն Հայաստանից, որն այցելել է Ֆրիտյոֆ Նանսենը 1925 թվականին, երբ Հայաստանը գտնվում էր խորհրդային կարգերի տակ և Մոսկվայի ճնշման ներքո, այլ գալիս եմ այն Հայաստանից, որն այժմ հինգ տարիներ ի վեր վերապրում է դարերով երազած անկախության նոր շրջանը: Ես գալիս եմ ձեպի ոչ այն ժողովրդից, որ գաղթականության ցուպն ուներ իր ձեռքին և անհույս, անորոշ, անստույգ ապագայի մղձավանջն էր ապրում իր կյանքում, այլ այն ժողովրդից, որ վերականգնման ու վերածաղկումի շրջան կապրի և հուսալից հայացքով կգնա դեպի առավել պայծառ ապագա:

Ահա, Հայաստանի և արտասահմանի այդ հայ ժողովրդի անունից ես խոնարհվում եմ Ֆրիտյոֆ Նանսենի փրկավետ գործին և օրհնում եմ նրա անվեր հիշատակը: Փառք եմ տալիս

Աստծուն, որ նրա նման զավակ է շնորհել Նորվեգիայի ժողովրդին, որի բարիքները վայելել են այնքան ազգեր, նրանց շարքում՝ հայ ժողովուրդը»:

Ավարտելով խոսքը, Վեհափառ Հայրապետը թանգարանին նվիրեց Ֆրիտյոֆ Նանսենի յուղաներկ դիմանկարը և «Նորհրդային Հայաստանի» 1925 թվականի հունիսի այն համարը, որտեղ, առաջին էջի վրա, լուսանկարներով հորված էր տպվել մեծ հայտերի Հայաստան ժամանման կապակցությամբ:




Վեհափառ Հայրապետը Օսլոյի ժողովրդական թանգարանի ցուցահանդեսում ընկերակցությամբ Մեսրոպ Արք. Գրիգորյանի և թանգարանի տնօրեն Էրիկ Ուոլենկի

Թանգարանի տնօրեն Էրիկ Ռուդենկը, շնորհակալությամբ ընդունելով նվերը, Վեհափառ Հայրապետին հրավիրեց կտրելու ժապավենը և առաջնորդեց թանգարանի ընդարձակ սրահները՝ ծանոթանալու Ֆրիտյոֆ Նանսենի կյանքն ու գործունեությունը ներկայացնող վավերագրերին ու իրերին:

ԱՅՅԵԼՈՒԹՅՈՒՆ ՖՐԻՏՅՈՖ ՆԱՆՍԵՆԻ ՏՈՒՆ

Ցուցահանդեսին ծանոթանալուց հետո, ժամը 14.30-ին, Վեհափառ Հայրապետը առաջնորդվեց այն տունը, ուր ապրել ու գործել էր Ֆրիտյոֆ Նանսենը և որն այժմ վերածվել էր ընկերաբանական քաղաքական հետապոտությունների կենտրոնի՝ «Ֆրիտյոֆ Նանսենի Ինստիտուտ» անվամբ:



Ինստիտուտի գիտաշխատողները Վեհափառ Հայրապետին ծանոթացրեցին հաստատության բաժինների գործունեությանը, առաջնորդեցին Նանսենի աշխատասենյակ, որը պահպանվել էր այնպես, ինչպես գիտնականի կենդանության օրերին էր: Վեհափառ Հայրապետի առաջին այցելությունը չէր սա, այս տանը նա եղել էր նաև 1968 թ., երբ դեռ եպիսկոպոս էր Կիլիկյան Աթոռում: Նորին Արքությունը ողջունեց և շնորհակալություն հայտնեց աշխատակիցներին՝ նրանց կատարած օգտաշատ գործի համար: Ապա Վեհափառ Հայրապետը հոգեհանգստյան արարողություն կատարեց հաստատության բակում հանգչող մեծ հումանիստի շիրմին:

ՅՈՒՑԱՀԱՆԴԵՍԻ ԲԱՑՄԱՆ ԺՈՂՈՎՐԴԱԿԱՆ ՏՈՆԱԽՄԲՈՒԹՅՈՒՆ

Կեսօրից հետո Վեհափառ Հայրապետին դարձյալ առաջնորդեցին Տրիտյոֆ Նանսենի ցուցահանդես: Այստեղ հավաքվել էին մեծ թվով այցելուներ: Դիմելով ներկաներին, Վեհափառ Հայրապետը կոչ արեց երիտասարդ սերնդին՝ վերարժևորելու Նանսենի գաղափարը, ոգին, նվիրումը, արժանին մատուցել նրա հիշատակին: Նորին Արքությունը նշեց, որ անհրաժեշտ է նոր հարաբերություններ ստեղծել Հայ և Նորվեգական Եկեղեցիների, Հայաստանի և Նորվեգիայի միջև, որպեսզի առավել ևս ամրանա այն բարեկամությունը, որը ստեղծվել է երկու ժողովուրդների միջև՝ հայ ժողովրդի տառապանքի ու աքսորի տարիներին: Վեհափառ Հայրապետը ողջունեց Նորվեգիայի Պետության բերած նպաստը Հայաստանին՝ հատկապես երկրաշարժի ծանր օրերին և դրանից հետո:

Նախօրոք իմանալով, որ ներկաների մեջ կան նաև հայազգի պավակներ, Նորին Արքությունը նրանց հայերեն կոչ ուղղեց՝ պատգամելով հաճախ այցելել այս թանգարան և հաղորդ մնալ հայ-նորվեգական բարեկամության ոգուն: «Երբ հայ հյուրեր այցելեն ձեզ, բերեք նրանց այստեղ որպես մի ուխտավայր», ամփոփեց Վեհափառ Հայրապետը:

ՀԱՆԴԻՊՈՒՄՆԵՐ ՊԵՏԱԿԱՆ ՇՐՋԱՆԱԿՆԵՐՈՒՄ

ՀԱՆԴԻՊՈՒՄ ՆՈՐՎԵԳԻԱՅԻ ՄՇԱԿՈՒՅԹԻ ՆԱԽԱՐԱՐ ԱՍԵ ԿԼԵՎԼԱՆԴԻ ՀԵՏ

Հոկտեմբերի 10-ին Նորին Արքություն Գարեգին Ա Ամենայն Հայոց Կաթողիկոսը մեկժամյա տեսակցություն ունեցավ Նորվեգիայի Մշակույթի նախարար տիկ. Ասե Կլևլանդի հետ: Ձրույցի

ընթացքում խոսվեց հոգևոր արժեքների վերագնահատման, վերարժևորման, վերակենսավորման հարցերի շուրջ: Նորին Արքուքյունն ու տիկ. Կլելյանը անհրաժեշտ համարեցին Նորվեգիայի և Հայաստանի միջև մշակութային ամուր և աշխույժ գործակցության իրականացումը, որի ընթացքում երկուստեք կծանոթանան երկու երկրների ազգային մշակույթներին:

Վեհափառ Հայրապետը մանրամասն տեղեկություններ հաղորդեց Հայաստանի թանգարանների անբավարար վիճակի մասին և առաջարկեց նորվեգացի մասնագետներ հրավիրել Հայաստան՝ իրավիճակին ծանոթանալու և անհրաժեշտ եզրակացություն անելու նպատակով: Տիկ. Կլելյանը, շահագրգռություն ցուցաբերելով, ողջունեց Վեհափառ Հայրապետի առաջարկը:

Խոսակցության ավարտին փոխանակվեցին հուշանվերներ:

ՀԱՆԴԻՊՈՒՄ ՆՈՐՎԵԳԻԱՅԻ ԹԱԳԱՎՈՐԻ ՀԵՏ

Նույն օրը իր Արքայական Պալատում Նորվեգիայի Հերալդ թագավորն ընդունեց Նորին Արքուքյուն Գարեգին Ա Կաթողիկոսին:

Նորին Վեհափառությունը հետաքրքրվեց Հայաստանի և Հայ Եկեղեցու ներկա կացությամբ: Վեհափառ Հայրապետը, փոխանցելով Հայաստանի նախագահ Լևոն Տեր-Պետրոսյանի ողջույնները, Նորվեգիայի թագավորին տեղեկացրեց Հայաստանի և մասնավորապես Հայ Եկեղեցու ներկա վիճակին և կյանքին: Սպալրույցն ընթացավ տնտեսական, մշակութային և հոգևոր ասպարեպներում փոխադարձ գործակցության շուրջ:

Հերալդ թագավորը, իր համակրանքն արտահայտելով Հայաստանի և հայ ժողովրդի հանդեպ, նշեց, որ Նանսենյան ավանդները բնականորեն իրենց արտացոլումը կգտնեն նաև մեր օրերում:

Հանդիպման ավարտին Վեհափառ Հայրապետը Նորվեգիայի թագավորին նվիրեց Կարագյանի վրձինն պատկանող «Ս. Արարատ» յուղաներկ պատկերը:

ՀԱՆԴԻՊՈՒՄ ՆՈՐՎԵԳԻԱՅԻ ԱՐՏԱԶԻՆ

ԳՈՐԾՈՑ ՆԱԽԱՐԱՐԻ ՀԵՏ

Հոկտեմբերի 11-ին, ժամը 12-ին, Նորին Արքուքյուն Գարեգին Ա Կաթողիկոսը մեկժամյա հանդիպում ունեցավ Նորվեգիայի Արտաքին գործոց նախարար Թորե Կոդալի հետ: Ձրույցի ընթացքում Վեհափառ Հայրապետն ու պրն. Կոդալը անդրադարձան Նանսենյան ժամանակի Հայաստանին: Մեկ անգամ ևս բարձր գնահատանքի խոսք ասելով Նանսենի մարդասիրական գործունեության մասին, Վեհափառ Հայրապետը երախտագի-

տությամբ նշեց, որ մեծ հայասերի թողած ավանդը նոր ուժով դրսևորվեց 1988 թ. Երկրաշարժից հետո. երբ Նորվեգիայի պետությունը և Եկեղեցին կառուցեցին մի ամբողջ թաղամաս և մի հիվանդանոց՝ Ֆրիտյոֆ Նանսենի անվամբ: Նորին Սրբությունը նշեց, որ ներկա օրերում Հայաստանի պետությունը իր գործունեությունը կենտրոնացնելու է մասնավորապես Վարգացողական ծրագրերի վրա: «Այժմ շտապ օգնությունից առավել կարևոր է գործառնական, արտադրողական պայմանների վարգացումը», ասաց Վեհափառ Հայրապետը:

Պրն. նախարարն իր հերթին ամբողջական պատկերացում տվեց Նորվեգիայի պետական կառուցվածքի, նրա կողմից իրականացվող արտաքին քաղաքականության մասին և ցանկություն հայտնեց քննարկելու վարգացողական բնույթ կրող ծրագրերը՝ կարելի օժանդակություն ընձեռելու նպատակով:

ՀԱՆԴԻՊՈՒՄՆԵՐ ԵԿԵՂԵՑԱԿԱՆ ՇՐՋԱՆԱԿՆԵՐՈՒՄ

ՃԱՆԿԵՐՈՒՅԹ Ի ՊԱՏԻՎ ՎԵՀԱՓԱՌ ՀԱՅՐԱՊԵՏԻ

Հոկտեմբերի 11-ին Վեհափառ Հայրապետը ճաշի հյուրը եղավ Նորվեգիայի Լութերական Եկեղեցու Պետ Մնդրեաս Աարֆլոտ Եպիսկոպոսի: Ներկա էին նաև Ս. Գրոց Ընկերության ընդհանուր քարտուղար Վերապատվելի Օլե Քվարմեն և Նորվեգիայի Եկեղեցու Էկումենիկ և Միջեկեղեցական հարաբերությունների բաժանմունքի վարիչ տիկ. Մարգուն Սանդալը:

Ճաշի սեղանի շուրջ ծավալվեց աշխույժ կրույց, որի ընթացքում քննարկվեցին Հայ Առաքելական և Նորվեգիայի Լութերական Եկեղեցիների հարաբերություններին առնչվող հարցեր: Վեհափառ Հայրապետը մանրամասնորեն բացատրեց Հայ Եկեղեցում տիրող իրավիճակը՝ թե՛ Հայաստանում և թե՛ Սփյուռքում՝ մասնավորապես կարևորելով քրիստոնեական առողջ դաստիարակության, հոգևորականների նոր սերնդի պատրաստության, նոր եկեղեցիներ կառուցելու և հների վերանորոգման խնդիրները: Աարֆլոտ Եպիսկոպոսը և նրա ընկերակիցները, ուշադրությամբ լսելով Նորին Սրբությանը, իրենց պորակցությունը հայտնեցին այդ ծրագրերի իրականացմանը:

ԱՅՅԵԼՈՒԹՅՈՒՆ ՆՈՐՎԵԳԻԱՅԻ Ս. ԳՐՈՑ ԸՆԿԵՐՈՒԹՅՈՒՆ

Սույն օրը Նորին Սրբություն Գարեգին Ա Կաթողիկոսն այցելեց նաև Նորվեգիայի Ս. Գրոց Ընկերության կենտրոնատեղի:

Կապմակերպության աշխատակիցները Նորին Արքուքայանը ժանթափարեցին իրենց ծավալած գործունեությանը: Ի դեպ, Նորվեգիայի Ս. Գրոց Ընկերության ներկայացուցիչները, Վերապատվելի Քվարմեի գլխավորությամբ, այս տարվա ապրիլին եղել էին Հայաստանում՝ Ս. Գրոց Ընկերության Կենտրոնի բացման առիթով: Նրանք իրենց գոհունակությունը հայտնեցին Հայաստանում կատարված աշխատանքների կապակցությամբ: Չրույցի ընթացքում քննարկվեցին Ս. Գրքի տարածման առավել արդյունավետ ուղիներ որոնելու և համագործակցության հեռանկարային ծրագրերին առնչվող հարցեր:

ԱՅՅԵԼՈՒԹՅՈՒՆ ՍԱՐԿԱՎԱԳՆԵՐԻ ԵՎ ԸՆԿԵՐԱՅԻՆ ԾԱՌ-ԱՅՈՂՆԵՐԻ ՀԱՄԱԼՍԱՐԱՆ

Հոկտեմբերի 11-ի երեկոյան Վեհափառ Հայրապետը եղավ Օսլոյի Սարկավագների և Ընկերային Ծառայողների Համալսարանի ռեկտոր Գեոլ Նորպակի ընթրիքի հյուրը: Պրն. Նորպակը Նորին Արքուքայանը հանգամանորեն ներկայացրեց Համալսարանում գործող բաժինների աշխատանքներին: Նա նշեց, որ Սարկավագությունը Նորվեգիայի Եկեղեցու մնայուն և կարևոր բաժիններից է, որն իրականացնում է ժերանոցներում և հիվանդանոցներում հաշմանդամների խնամքի ու աջակցության կապմակերպումը:

Վեհափառ Հայրապետն իր հերթին ներկայացրեց Հայ Եկեղեցու կողմից իրականացվող ընկերային ծառայությունները և ցանկություն հայտնեց, որ փոխադարձ այցելությունների միջոցով փորձի ու գիտելիքների փոխանակում լինի:

ՃԱԵ-ՀԱՆԳԻՊՈՒՄ ԷԿՈՒՄԵՆԱԿԱՆ ՇՐՋԱՆԱԿՆԵՐԻ ՀԵՏ

Հոկտեմբերի 12-ին Վերապատվելի Քվարմեի կողմից, ի պատիվ Վեհափառ Հայրապետի, Օսլոյի Ժողովրդական Թանգարանի հատուկ մի սրահում կապմակերպվել էր ճաշկերույթ, որին ներկա էին նաև պետական միջհարաբերական էկոմենական տարբեր կապմակերպությունների 24 ներկայացուցիչներ: Չրույցի ընթացքում Վեհափառ Հայրապետը խոսեց Հայ Եկեղեցու առջև ծառայած խնդիրների շուրջ և կարևորեց միջեկեղեցական հարաբերությունների վարձագման անհրաժեշտությունը:

**Ս. ՊԱՏԱՐԱԳ ՕՍԼՈՅԻ ՄԱՅՐ ՏԱՃԱՐՈՒՄ,
ԲԱՐՈՉ ՎԵՀԱՓԱՌ ՀԱՅՐԱՊԵՏԻ ԿՈՂՄԻՑ**

Հոկտեմբերի 13-ին, կիրակի օրը, Օսյոյի Մայր Տաճարում մատուցվեց Ս. Պատարագ, որի ընթացքում Նորին Արքայություն Գարեգին Ա Կաթողիկոսը հրավիրվեց իր պատգամը տալու ներկաներին:

Վեհափառ Հայրապետը իր քարոզում նշեց, որ հոկտեմբեր ամիսը հայ ժողովրդի կյանքում ընկալվում է որպես «Մշակույթի ամիս»:

«Հոկտեմբերին Հայ Եկեղեցին տոնում է իր թարգմանչաց հիշատակը: Մեր մշակույթը սկսվեց Ս. Գրքով, - ասաց Նորին Արքայությունը: - Աստու խոսքը, Ս. Գրքով արտահայտված և Քրիստոսով մարմնավորված, խմորել է մեր ողջ հայ գրականությունը: Մեր օրերում, երբ նյութականը սկսում է ճնշել հոգևորի վրա, անհրաժեշտություն է զգացվում վերակենդանացնել հոգևոր և բարոյական արժեքների գիտակցությունը ընկերային կյանքի մեջ»:

Անդրադառնալով Ֆրիտյոֆ Նանսենի հիշատակին, Նորին Արքայությունն ընդգծեց, որ նրա գործն ու կյանքը օրինակ պետք է հանդիսանան նոր սերնդի համար:

«Մենք բոլորս անցնում ենք պատմության գանձանակի առջևից, - շարունակեց Նորին Արքայությունը, - ինչպես այսօր հիշվեց Ավետարանում Հիսուսի կյանքի այն դրվագը, որտեղ նկարագրված է Երուսաղեմի Տաճարի մուտքի գանձանակի առջևից անցնող այրի կնոջ լուծալի պատմությունը: Մեր հայ ժողովուրդը իր ողջ ունեցվածքը դրեց այդ գանձանակի մեջ՝ իր արյունը, իր մարտիրոսությունը, իր գրականությունը, իր արվեստը, մշակույթը: Բոլոր քրիստոնյաները այս ժամանակներում հարկ է, որ այդ գանձանակի առջևից անցնեն՝ ձեռք-ձեռքի տված, սիրտ-սրտի կապած և այնտեղ դնեն իրենց միասնությունը և համագործակցությունը»:

Խոսքի ավարտին Նորին Արքայությունը իր հայրապետական օրհնությունը շնորհեց ներկաներին:

**ՀԱՅԿԱԿԱՆ ՊԱՏԱՐԱԳ Ս. ԳՐՈՑ ԸՆԿԵՐՈՒԹՅԱՆ
ՄԱՍՈՒՌՈՒՄ**

Նորվեգիայի փոքրաթիվ հայ համայնքի անդամները, Եվեդիայի Ուփսալա քաղաքի Հոգևոր Հովիվ Տ. Սարգիս Քին. Մելքոնյանի գլխավորությամբ, հավաքվել էին Ս. Գրոց Ընկերության մատուռում, ուր մատուցվելու էր Ս. Պատարագ՝ հայկական

ծեսի համաձայն: Պատարագը մատուցեց Ավստրիայի և Սկանդինավյան երկրների Հայոց թեմի առաջնորդ Մեսրոպ Արք. Գրիգորյանը:

Ս. Պատարագի ընթացքին ներկաներին իր հայրապետական պատգամը տվեց Գարեգին Ա Վեհափառ Հայրապետը: Նորին Արքությունն անցյալի վկայակոչմամբ հորդորեց հայորդիներին, որպեսզի նրանք հավատարիմ մնան Ս. Լուսավորչի և Ս. Մեսրոպի հավատքին ու գրին, կյանքով ու գործով իրենց նպաստը բերեն Մայր Հայրենիքին ու ժողովրդին:

Բոլոր հավատացյալները Ս. հաղորդություն ստացան:

Հայ Համայնքի Մշակութային Միության անդամները, Պատարագի սրբապան արարողությունից հետո, Վեհափառ Հայրապետին հրավիրեցին ընթրիքի, որի ընթացքում Վեհափառ Հայրապետի և ներկաների միջև ծավալվեց ջերմ վրույց:

Վերջում Նորին Արքությունը հուշանվերներ բաժանեց նրանց:

ՎԵՐԱԳՆԱՐԶ ՄԱՅՐ ԱԹՈՒ Ս. ԷԶՄԻԱԾԻՆ

Նորին Արքություն Գարեգին Ա Ամենայն Հայոց Կաթողիկոսը Մայր Աթոռ Ս. Էջմիածին վերադարձավ հոկտեմբերի 16-ին: Օդանավակայանում Նորին Արքությանը դիմավորեցին Մայր Աթոռի դիվանապետ Ներսես Արք. Պոպապայանը, Արարատյան Հայրապետական թեմի առաջնորդական փոխանորդ Գարեգին Արք. Ներսիսյանը, Կրոնի գործոց պետական կոմիտեի նախագահ Լապար Սուրյանը, բարձրաստիճան այլ հոգևորականներ և պաշտոնյաներ:

ԿԱՐԱԳԵՏ ԱԲՂ. ՀԱՐՈՒԹՅՈՒՆՅԱՆ